



12. mars 2019

Til forstöðumanna stofnana ríkisins og framkvæmdastjóra sveitarfélaga.

Efni: Um möguleika á að ráða háskólamenntaða atvinnuleitendur með fjárstyrk frá Vinnumálastofnun.

Ágætu viðtakendur,

Hjá Vinnumálastofnun er um þessar mundir að finna fjölda einstaklinga sem búa að viðamikilli og fjölbreyttri háskólamenntun. Stofnunin vill því með þessu bréfi vekja athygli á þeim möguleika að ráða gott starfsfólk og fá til þess starfsþjálfunarstyrk. Er þeirri spurningu því beint til ykkar hvort þau sumarstörf sem falla til hjá ykkur nú í sumar gætu ekki staðið þessum atvinnuleitendum til boða.

Vinnumálastofnun efndi til svipaðs átaks í fyrrasumar og niðurstaðan var sú að tugir atvinnuleitenda fengu annaðhvort tímabundið eða framtíðarstarf í kjölfarið.

Með þessum tölvupósti vill Vinnumálastofnun benda á nauðsyn þess að allir fái tækifæri til að taka þátt í atvinnulífinu og nýta hæfileika sína, menntun og styrk.

Stjórnendur sem vilja nýta sér þennan möguleika er bent á að senda tölvupóst á þjónustuskrifstofur okkar með upplýsingum um störf og starfsfátíma og atvinnuráðgjafar okkar verða í sambandi fljótlega í kjölfarið og kanna möguleika á að miðla til ykkar atvinnuleitendum sem gætu hentað.

Styrkurinn getur numið sem nemur annað hvort hálfum eða fullum atvinnuleysisbótum í allt að sex mánuði. Fullar atvinnuleysisbætur eru nú 279.720 kr. á mánuði.

Höfuðborgarsvæðið: vinnumidlun@vmst.is

Vesturland: vesturland@vmst.is

Vestfirðir: vestfirdir@vmst.is

Norðurland vestra: nordurland.vestra@vmst.is

Norðurland eystra: nordurland.eystra@vmst.is

Austurland: austurland@vmst.is

Suðurland: sudurland@vmst.is

Suðurnes: sudurnes@vmst.is

Við hlökkum til samstarfsins.

Með góðri kveðju,


Unnur Sverrisdóttir, forstjóri Vinnumálastofnunar

